

**SESOTHO - "Where is your home?"**

# **LEHAE LA HAO LE HO KAE ?**

Bongata ba rona re na le motse oo re o bitsang lehae kapa tulo ya rona. Mohlomong lehae leo le ke ke la eba letle kapa la hlophiswa hantle ka dintho tse lokelang jwaleka a mang, mohlomong le ke ke la ba le boiketlo ho luleng ho lona jwaleka a mang, empa ho rona ke lehae ho sa tsotellehe hore na re etela kae, kapa re tsamaela kae, kamehla re ntse re thabela ho kgutla re boela lehaeng la rona. Dibaka tse ding tseo re di etelang mohlomong di ka ba ntle haholo kapa tsa ba ntle ho feta ka dintho tse ngata, empa ha se hae ho rona ha e le lehae la rona le netse le re hwehla. Ho na le ntho e nngwe ka lehae e re etsang hore re amohele le ho re etsa hore re ikutlwe re le ba lahae leo.

## **RE BAETI FEELA MONA**

Lentswe la Modimo le re bolella hore lefatsheng lena re baeti feela le bafeti (1 Petrose 2:11, Ba-Heberu 11:13). Mahae a rona mona, ho sa tsotellehe hore na a ahilwe jwang ka bottle bo jwang, empa ke mahae a nakwana feela, haufinyane mabota a tla qala ho petsoha, marulelo a 'ona a qale ho dutla, moyo o qale ho kena ka monyako le ka difensetere mme ho se ho kae e be molilo wa mabota o qala ho kgephoha, e be butle empa ka ho tlala, lehae leo le qale ho wa. Ha ho mohaho lefatsheng lena o ka emang ka dinako tsohle, che, ke mahae a nakonyana feela kamorao ho moo e se e le dithako feela a senyehile. Tadima ho pota ka hohle o tla bona dipontsho tse supang hore ha



ho letho lefatsheng lena le nkang nako e telele, empa ntho e nngwe le e nngwe e tla feta, esita le mahae a rona.

## **E MONG LE E MONG, LEHA HO LE JWALO, O NA LE LEHAE LE SA FELENG**

E mong le e mong wa rona, e bang ke ntho yeo re e tsebang kapa re sa e tsebang, o na le lehae le sa feleng le emeng jwalo kamehla. Mahae ana ke ao re yang ho oona ha bophelo ba rona ba lefashe lena bo filha qetellong, ha mmele ya rona e epelwa mabitleng. Meya ya rona jwale e be e ya mahaeng a yona moo jwale re ke keng ra hlola re ba baeti le bafeti moo re tla bang ho tloha bo sa feleng ho isa bo sa feleng, Lehae le leng feela ho rona le hlalotswang e le la letsha la mollo le sebahole moo sebata le moprofeta wa bohata e leng teng, moo diabolose, le yena a tla lahlelwa le bohle bao mabitso a bona a sa kang a fumanwa Bukeng ya Bophelo. (Tshenolo 20:10-15). Maqhubung ana a matla a mollo, mochesong ona o tukang o hlokofoatsang ho tla ba le dillo le ditsikitlano tsa meno; sefahleho se trefetseng sa diabolose, litsheho tse kulisang tsa bademona di tla tswela pele ho tshabehisa le ho tshosa sebakeng seo. Ho ke ke ha e ba le motshidisi leha e le mothusi, ba lahliweng ke bona feela ba tla ba moo lihlorong le tihokofatsong mme ba tla lakatsa e ka ba ka be ba ile ba mamela ka hloko e kholo Evangeli ya Jesu Kreste. Maqhubu ana a mollo, sebaka sena sa hlokofoatso, sebaka sena se bitswa Lihlele, ke moo e tla ba lehae la batho bana hobane "Bohle ba sitilwe mme ha ba lokelwe ke kganya ya Modimo." (Ba-Roma 3:33). Lena ke lehae la bafebi, laba sa hlwekang, la lihloa, la ba rapelang medimo ya bohata, la ba ileng ba sebedisa boloi, ba nang le lehloyo lipelong tsa bona, mona, mashano, matawa, mashodu, bathetsi, ba hlokofoatsang nnete, babolai, ba ratang ntwana, ba botswa, ba ikhohomolang, ba lakatsang dintho tsa lefashe lena, ba bohale le ba sehloho, ba meharo le ba ratang tjehelele le ba ratang lefatshe le dintho tsa lefatshe. (Ba-Gal. 5:19-21; Tshen. 21:8). Lena ke lehae la ba ileng ba hana ho amohela Jesu Kreste, e le Mopololli wa bona, ba sa kang ba hlwekiswa ke Madi a Jesu. "Le se ke la thetswa Modimo ha o songwe; hobane seo motho a se jalang o tla se kotula le hona." (Ba-Gal. 6:7). Seo re se jalang takatsong ya nama re tla se kotula dihleleng.

A ko eme ho se ho kae o bone kamoo moetsadibe a yang kateng lehaeng lena, lehae leo e leng la hae hobane ha a ka a amohela Molopolli. Moetsadibe ya thatafetseng o atamela lefu ka mmele wa hae o tletse mahlaba mme moya wa hae o tletse tshabo ya lefu. Lefu le tla ka nako eo le sa lebellwang ka yona ebile le sa lakatswa hore le tle e be le tadima ka sehloho ho eo le mo tjametseng. Thabo ya sebe jwale e be e fetile jwale e be botshabeha ba sebe le moputso o phahameng wa sona o tlameha ho lefuoa. Tihokofatso tsa dihele di tshware moya o tletseng tshabo. Leha motho enwa a ka rata hore e ke a ka rapela, o ya sitoa ho kopana le kapa ho ama Modimo. Metswalle ya hae ea pele e se e tshaba jwale ho ema lehlakoring la bethe ya hae jwale mantswe a se nang letho a mo tshidising a sitwa ho mo thusa, mme maruo a hae, ao mohlomong a ka bang le oona a fumanweng ka mano, a ke ke a thusa ho pholosa moya wa hae, kapa a khutsisa mahlaba a hae, kapa ho lelefatsa bophelo ba hae. Leha a ka leka ho nahana ka Modimo, satane a ke ke a mo

fa sebaka se jwale. Dintho tsohle tseo a ileng a di rata tsa lefatshe lena le tseo a ileng a di phelela, di bonahala jwale hore di ne di mo thetsa esita le modisa wa hae wa bohata wa lefatshe lena o se a sitwa ho mo thusa. O qala ho lemoha jwale hore, **ke ntho e tshabehang ho lahleha matsohong a Modimo o phelang.** (Ba-Heb. 10:31). O hopola ho lokisa ditaba le Modimo diphateng tsa hae tsa lefu empa o fumana hore e se e le morao haholo ho etsa jwalo. Diketse tsa batho di shwa hang ka tsometso di sa ka tsa ba le nako ya ho batla Modimo diphateng tsa bona tsa lefu. Ka tsela e jwalo rea bolellwa hore e ka khona re batle Modimo ha o sa fumanwa. Sebakeng sa ho mamela lentswe le tshedisang la Modimo, moetsadibe enwa a shwang, ya ileng a latola mohau le lerato la Modimo nakong ea bophelo ba hae, jwale o tla utlwa lentswe la Moahlodi wa hae, Molopolli eo a ileng a mo hana, a re, “Tlohang ho nna lona ba rohakilweng, le eeng mollong o sa timeng, o lokiseditsweng satane le mangeloi a hae” (Matt. 25:41). “Mme jwaleka ha ho laetswe hoba batho bohle ba shwe hang, ho ntoo ba khahlolo” (Ba-Heb. 9:27).

## **JWALE, HA RE TADIMENG LEHAE LE KA BANG MOLEMO**

Lehaeng lena ha ho bosiu, ha ho lebone ha ho letsatsi le ka hlokalalang, hobane Morena ke yena Lesidi (Tshen. 22:5). Ha ho lefu moo, ha ho maswabi, ha ho tla la leha e le lenyora, ha ho hlokwle letho leha e le ho utlwa bohloko, ha ho tshabo mme ha ho sa le lefu la letho. (Tshen. 24:4). Marako a motse ona a hahlilwe ka majwe a bohlokwa mme motse ka bo oona o hahlilwe ka gauda e hlwekileng (Then. 21:18). “Ke tseo leihlo le sa kang la di bona, tseo tsebe e sa kang ya diutlwa, tse sa kang tsa ithahela pelong ya motho dintho tseo ke tseo Modimo o di lokiseditseng ba O ratang (1 Ba-Kor. 2:9). Ha ho puo lefatsheng yeo motho a ka e sebedisang ho hlalosa kapa ho lokodisa khanya ya lehodimo, ke ntho e makatsang e khanyang ka tsela e makatsang. Lena ke lehae la ba lopolotsweng. Ha ho moetsadibe le a mong ya tla kena teng, leha e le ba etsang manyala le leshano, ho tla kena ba ngodilweng bukeng ya bophelo ya Konyana feela.” (Tshen. 21:27). Lehae lena o ke ke wa le reka ka tjehelete kapa ka mesebetsi. O keke wa hlwella marakong a oona, ha ho tshabeletso ya kereke e ka o fang lona, ho na le tsela feela e le nngwe e leng tsela e leng ya Jesu. O itse, “Ke nna tsela, le Nnete le Bophelo, ha ho motho ya ka yang ho Ntate ha e se ka nna.” (Johanne 14:6). Jesu o re bolella ka motse ona ho Johanne 14:2 e leng lehae leo a ilo re lokisetsa ho lona bolulo, empa lehae lena la lehodimo ke la bao dibe tsa bona di seng di ile tsa tshwarelwa bao dipelo tsa bona le bophelo ba bona di hlwekileng. Ba bangata ba apara dikobo tse itseng ka kgoropo ya hore di tla ba kenya lehodimong. Che, ke pelo holima dintho tsena tsohle e hlokwang hore e hlwekiswe, mme re lokela ho phela bophelo ba kgalalelo bophelo bo nang le kgalalelo, bo sa kopanngweng le dintho tsa lefatshe lena.

Jwaleka ha re bona hore bohle re baetsadibe mahlong a Modimo le hore bohle re lokelwa ke lihele, ho na le ntho e le nngwe feela e ka etswang, “Ha re ipolela dibe tsa rona, Modimo oa tshepeha, o lokile, hore o re tshwarele dibe mme o re hlatswe bokgopo bohle” (1 Johanne 1:9). Jesu o itse, “Ke nna tsoho le bophelo: ya dumelang ho nna, leha a shwele, o tla phela, (Johanne 11:25,26). “Ya utlwang lentswe la ka, mme a dumela ya nthomileng, o na le bophelo bo

sa feleng; ha a ka ke a tla kahlong, empa o tlohile lefung ho kena bophelong.” (Johanne 5:24). Lefu ha le na tshabo leha e le hlokoatso ho baKreste “Lefu le metsitswe ke hlolo. Na lefu, tseneneya hao e kae na? Wena lebitla ho hlola ha hao ho kae na? A re leboheng Modimo o re neileng ho hlola ka Morena wa rona Jesu Kreste.” (1 Ba-Kor. 15:54-57). Motho ya phetseng mme a tsamaya le Modimo ha a na tshabo ya lefu. Ha nako ya hore a tlohe e filha o tla tsamaya ka thabo, jwaleka ha Moapostola Pauluse a bolela: “Ke na le takatso ya ho tloha le ho ba le Kreste, hobane ke hona ho leng molemo ka ho fetisisa.” (Ba-Filippi 1:23). Mo-Kreste o hlorela ho bona sefahleho sa Jesu ya mo shwetseng mme a mo lopolla sefapanong. Moya o Halalelang o mo hopotsa hape mantswe a Jesu: **“Dipelo tsa lona di se ferekane; dumelang ho Modimo le ho nna le dumele. Meaho e mengata ka tlung ya Ntate; Ke tla boela ke boye, ke le nkele ho nna, hore moo ke leng teng le lona le be teng.”** (Johanne 14:1-4).

Joale, ha re ke re eme ho se ho kae re tadime kamoo mo-Kreste a yang lehaeng la hae. Sebakeng sa lefu le tshabehang, lengeloi kapa lengosa la Modimo le bonwa le laletse hore le nke moya o hlwekileng le o kgutlisetse ho Modimo. Moya oa Modimo le Moya a mothong oa lokolwa mmeleng ona o shwang mme o jarwa jwalo ho ya ka dikgoro tse butsweng tsa lehodimo ho ya sefubeng sa eo moya oa hae o mo ratileng, eo a mo pheletseng mme a ba mo shwela lefatsheng lena. Kamohelo ya thabo e mo emetse ho Modimo moo a tla dumeliswa ke Morena le Monga hae ka mantswe ana a thoriso: “Ke hantle, mohlanka ya molemo, ya kgabane, kena thabong ya Morena wa hao.” Satane ha a sa na matla hodima hae jwale, hobane, “ho leng thata mahlong a Jehova ke lefu la bakgethehi ba hae.” (Pes. 116:15). “Yaba ke utlwa lentswe le tswang lehodimong, le re ho nna: Ngola: Ho lehlonolo bafu ba shwelang Moreneng ho tloha jwale! Moya o re: E, hoba ba ya phomola mesebetsing ya bona; hobane mesebetsi ya bona ea ba latela.” (Tshen. 14:13). Na jwale u ke ke wa etsisa ngwana ya lehlaswa ya neng a le hole le lehae, ya ileng a elellwa bophelo ba hae bo maswabing le ho hloka ha hae mme a re, “Ke tla tsoha ke ye ho ntate,” (Luka 15:18). Nehela bophelo ba hao **hona jwale** ho Jesu, etsa **hona jwale** moo u leng teng; wa ka mangole a hao u ipolele ho Modimo hore u moetsadibe mme o mo kope ho u hlwekisa Mading a Hae a bohlokwa, o mo amohele bophelong ba hao, ka ho etsa jwalo fetohela Satane tseleng ya hae e isang diheleng o qale tsela ya hao e yang lehaeng la hao la lehodimo.

---

**M.R. Gschwend**

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

For **free** Gospel literature, books and tracts in over 540 languages, write to:

**E-MAIL: [info@angp.co.za](mailto:info@angp.co.za)**  
**ALL NATIONS GOSPEL PUBLISHERS**  
**P.O. Box 2191, PRETORIA, 0001, R.S.A.**  
(A Gospel Literature Mission financed by donations)  
(Reg. No. 1961/001798/08)